

ՀՏԴ : 929:891.981Թումանյան

ՀՈՎՀԱՆՆԵՍ ԹՈՒՄԱՆՅԱՆԻ ՄԱՀՎԱՆ 100-ՐԴ ՏԱՐԵԼԻՑԻՆ
ՆԿԻՐՎԱԾ ՀԱՆՐԱՊԵՏԱԿԱՆ ԳԻՏԱԺՈՂՈՎ*

Ապրիլի 12–14-ին Երևանում տեղի ունեցավ Հովհաննես Թումանյանի մահվան 100-րդ տարեկիցին և հիշատակի ոգեկոչմանը նվիրված հանրապետական գիտաժողով, որը կազմակերպել էին ՀՀ ԳԱԱ Մ. Աբեղյանի անվան գրականության ինստիտուտը (ԳԻ), Երևանի պետական համալսարանը (ԵՊՀ), Հովհաննես Թումանյանի թանգարանը (ՀԹԹ), Հայաստանի գրողների միությունը (ՀԳՄ):

Գիտաժողովը բացվեց ՀՀ ԳԱԱ նախագահության նիստերի դահլիճում: ՀՀ ԳԱԱ հայագիտության և հասարակական գիտությունների բաժանմունքի ա-կադեմիկոս-քարտուղար, ակադեմիկոս Յուրի Սուվարյանն իր խոսքում արժևո-րեց Հովհ. Թումանյանի հասարակական գործունեությունն ու գրական ժա-ռանգությունը և կարևորեց գիտաժողովի նշանակությունը՝ որպես նոր ուսում-նասիրությունների մեկնակետի: Նա նշեց, որ գիտաժողովի կազմակերպման աշխատանքներում իր մեծ ներդրումն է ունեցել ԳԻ տնօրեն, բ. գ. դ. Վարդան Դերիկյանը:

Ողջունի խոսքով հանդես եկան նաև ՀԳՄ նախագահ Էդվարդ Մելիսոն-յանը, ԳԻ փոխտնօրեն, բ. գ. թ. Հերիքնազ Որսկանյանը, որը ներկայացրեց ինս-տիտուտի տնօրեն Վ. Դերիկյանի ուղերձը, ԵՊՀ Հ. Թամրազյանի անվան հայ գրականության պատմության ամբիոնի պրոֆ., բ. գ. դ. Սամվել Մուրադյանը, ՀԹԹ տնօրեն, բ. գ. թ. Անի Եղիազարյանը, Հայկական հանրագիտարանի գլխա-վոր խմբագիր, քիմ. գ. դ. Հովհաննես Այվազյանը, ԳԻ առաջատար գիտաշ-խատող, բ. գ. դ. Ալբերտ Մուշեղյանը:

Լիագումար նիստում լսվեց չորս զեկուցում: ՀՀ ԳԱԱ թղթակից անդամ, բ. գ. դ., պրոֆ. Աելիտա Դուրսևյանը ներկայացրեց «Հովհ. Թումանյանի ման-կագրության առանձնահատկությունները» թեմայով զեկուցումը, լսվեցին բ. գ. դ., պրոֆ. Ավիկ Իսահակյանի «Հանճարի ավագ դուստրը. Ալյոնե Թուման-յան», բ. գ. դ., պրոֆ. Ազատ Եղիազարյանի «Վեճ երեք թումանյանագետների հետ «Թմկաբերդի առումը» պոեմի գնահատման շուրջ», բ. գ. դ., պրոֆ. Հենրիկ Էդոյանի «Պուշկինի «Ձմեռվա իրիկունը» բանաստեղծության թումանյանական թարգմանությունը» խորագրերով զեկուցումները:

Այնուհետև գիտաժողովի աշխատանքները շարունակվեցին ԳԻ-ում: Զեկու-ցումներով հանդես եկան՝ բ. գ. դ., պրոֆ. Մադլալինա Զանփուլադյանը («Ռուս քննադատությունը Հովհ. Թումանյանի բանագիտական սկզբունքների մա-սին»), բ. գ. դ., պրոֆ. Սուրեն Դանիելյանը («Թումանյանը՝ «կուտախնձոր» բա-նաստեղծական աւանդույթի եւ գալիք օրերի բախումներում»), բ. գ. դ. Անուշա-վան Զաքարյանը («Դավիթ Անանուն և Հովհաննես Թումանյան. գրական-հասարակական առնչություններ»), բ. գ. դ. Պետրոս Դեմիրճյանը («Հովհաննես Թումանյանի անհատականությունն ու ստեղծագործությունը՝ Հրանտ Թամ-

* Ներկայացվել է 02. IV. 2023 թ., ընդունվել է տպագրության 19. VI. 2023 թ.:

րազյանի գնահատությունը»), բ. գ. դ., պրոֆ. Վանո Եղիազարյանը («Մի քանի դիտարկումներ «Բզեզի դպրոցը» փոխադրության շուրջ»), բ. գ. դ. Մարգարիտա Խաչատրյանը («Հովհաննես Թումանյանի և Համաստեղ. հեքիաթի երկու մշակում»), բ. գ. թ., դոցենտ Վահան Նավասարդյանը («Հովհ. Թումանյանի տաղաչափական արվեստը»), բ. գ. դ., դոցենտ Եվա Մնացականյանը («Մ. Խոստիկյանի «Կրոնափրիստոփայականը Հովհ. Թումանյանի բանաստեղծությունների մեջ» խորագրով հոդվածի շուրջ»), բ. գ. թ., դոցենտ Թեհմինա Մարությանը («Հովհաննես Թումանյան–Ակսել Բակունց. կենսագրական նոր փաստեր և առնչություններ»), բ. գ. թ., դոցենտ Փնարիկ Աբրահամյանը («Թումանյանի արուեստագէտը արեւմտահայ նամակագրութեան մէջ») և բ. գ. թ. Գայանե Աթանեսյանը («Անցավորի և անանցի թումանյանական ընկալումը»):

Ապրիլի 13-ին գիտաժողովի աշխատանքները շարունակվեցին ԵՊՀ-ում: Իրենց զեկուցումները ներկայացրին բ. գ. դ., պրոֆ. Սամվել Մուրադյանը («Հովհ. Թումանյանը և «մեծ հավերժի ձևերը»»), բ. գ. դ. Սուսաննա Հովհաննիսյանը («Հովհաննես Թումանյանի քաղաքագիտական դիրքորոշումների գրական և գործառական դրսևորումները 20-րդ դարակգրին»), բ. գ. թ., դոցենտ Նվարդ Վարդանյանը («Հովհ. Թումանյանի կուտակային հեքիաթների և ծխերգային բանահյուսության որոշ զուգահեռներ»), բ. գ. թ., դոցենտ Գրիգոր Ղազարյանը («Ճարածության ընկալման նշանագիտական հայեցակերպը «Լոռեցի Սաքոն» պոեմի օրինակով»), փ. գ. թ. Դավիթ Մոսիսյանը («Հ. Օշականը Հ. Թումանյանին դեմ հանդիման»), պ. գ. թ., դոցենտ Հասմիկ Հարությունյանը («Արյան վերժը հայոց մշակութամբ ըստ Հովհ. Թումանյանի ստեղծագործությունների»), սոցիալ-մշակութային գործունեության մագիստրոս Արմեն Այվազյանը («Նոր բացահայտումներ Թումանյանի 1921 թվականի հասարակական գործունեությունից»):

Գիտաժողովի երրորդ՝ եզրափակիչ նիստը, տեղի ունեցավ ապրիլի 14-ին ՀԹԹ-ում: Զեկուցումներով հանդես եկան բ. գ. թ. Անի Եղիազարյանը («Հովհ. Թումանյանի՝ Մաշտոցյան Մատենադարանում պահպանվող հավաքածուն»), բ. գ. թ., դոցենտ Աբգար Ասիինյանը («Հովհ. Թումանյանի պոեզիան ժամանակակից նշանագիտության լույսի ներքո»), բ. գ. թ. Կարինե Առաքելյանը («Ժողովրդական հեքիաթները Հովհաննես Թումանյանի և Նշան Պեչիկթաշյանի մշակումներում»), բ. գ. թ., դոցենտ Սիրանուշ Մարգարյանը [«Սրբազան ամուսնություն միֆոլոգեմը եվրոպական գրականության մի քանի գործերում և Թումանյանի «Ախթամար»-ում (զուգադիր քննության փորձ)»], բ. գ. թ., դոցենտ Նունե Մկրտչյանը [«Հովհ. Թումանյանի նամակներում (1885–1900) արձարժված մի քանի հիմնահարցերի քննություն»], բ. գ. թ. Արմեն Մանուկյանը [«Երկու ճշտում «Հովհ. Թումանյանի կյանքի և ստեղծագործության տարեգրության (1869–1908)» վերաբերյալ»]:

Գիտաժողովի ավարտին Ամենայն հայոց բանաստեղծի հիշատակին մատուցվեց հոգեհանգստյան կարգ:

ԵՎԱ ՄՆԱՑԱԿԱՆՅԱՆ